

廿二史劄記卷二十一

陽湖趙翼撰

薛居正五代史

宋太祖開寶六年四月詔修梁唐晉漢周書其曰五代史者乃後人總括之名也七年閏十月書成凡一百五十卷目錄二卷監修者爲司空同中書門下平章事薛居正同修者爲盧多遜扈蒙張澹李昉劉兼李穆李九齡

見宋史及晁公武讀書志玉海所引中興書目

皆本

各朝實錄爲槁本此官修之史也其後歐陽修私撰五代史記

七十五卷藏於家修沒後熙寧五年詔求其書刊行

見宋史

於是

薛歐二史並行於世至金章宗泰和七年詔止用歐史於是薛

史漸湮惟前明永樂大典多載其遺文然已割裂淆亂非薛史

篇第之舊恭逢我

皇上開四庫館命諸臣就永樂大典中甄錄排纂其缺逸者則採宋人書中之徵引辭史者補之於是辭史復爲完書仍得列於正史遂成二十三史之數今覆而案之雖文筆迴不逮歐史然事實較詳悉歐史專重書法辭史專重敘事本不可相無以四五百年久晦之書一旦復出俾攷古者得參互核訂所以嘉惠後學誠非淺鮮也

辭史全採各朝實錄

五代雖亂離而各朝俱有實錄梁貞明中詔李琪張袞卻殷象馮錫嘉修太祖實錄共成三十卷尋以事多漏略又詔敬翔補緝翔乃別成三十卷名曰大梁編遺錄與實錄並行

見辭史李琪及敬翔

傳

此梁祖實錄貞明中所成也

其庶人友珪及末帝實錄則周時補修說見後

後唐明

宗天成四年詔盧質何瓚韓彥暉纂修武皇以上及莊宗實錄

瓚奏張昭

即張昭遠後單名昭宋史有傳

有史才嘗私撰同光實錄又欲撰三

祖志并藏唐昭宗賜武皇制詔九十餘請以昭為修撰并其所

撰送史館從之昭以懿獻及武皇不踐帝位乃為紀年錄二十

卷莊宗實錄三十卷上之

見薛史唐紀及五代會要宋史張昭傳

此唐武皇以上

載紀及莊宗實錄乃天成中所成也

薛史李愚傳明宗時愚監修國史與諸儒修創業功

臣傳三十卷又李之儀集記趙鳳修莊宗實錄不載何挺劾劉昫疏昫德之是實錄并有諸臣列傳不特朝廷政事也

清

泰二年命史官修明宗實錄次年監修國史姚顗史官張昭李

祥吳承範等修成三十卷上之

見薛史唐紀及吳承範傳宋史張昭傳

此明宗實

錄清泰中所成也

其閔帝廢帝實錄則周廣順中補修說見後

晉在漢前而晉祖實

錄反成在後後周廣順元年七月史官賈緯等以所撰晉高祖實錄三十卷少帝實錄二十卷上之此晉二帝實錄皆周廣順中所成也漢乾祐二年二月詔左諫議大夫賈緯等修高祖實錄是年十月監修國史蘇逢吉史官賈緯等修成二十卷上之

見漢紀

此漢祖實錄乾祐中所成也

其隱帝實錄亦周顯德中補修說見後

周顯德

三年詔兵部尚書張昭纂修太祖實錄五年昭等修成二十卷

上之六年世宗崩王溥請修世宗實錄以扈蒙張澹王格董淳

爲纂修官

見周紀及宋史王溥傳

此周太祖實錄皆顯德中所成而世宗

實錄亦是時所修也其梁庶人友珪及末帝等實錄亦皆周代所修顯德三年詔張昭補修梁末帝及唐清泰帝兩朝實錄昭奏本朝太祖歷試之事在漢隱帝時請先修隱帝實錄以全太

祖之事又梁末帝之上有郢王友珪弑逆數月未有紀錄請仿
宋書元凶劭之例書爲元凶友珪唐清泰帝前尚有閔帝在位
四月亦未有編紀并請修閔帝實錄其清泰帝請書爲廢帝從
之見周紀及五代會要宋史張昭傳此梁庶人友珪及末帝唐閔帝廢帝漢隱
帝實錄皆周顯德中所補修也可見五代諸帝本各有實錄辭
居正卽本之以成書故一年之內卽能告成今案其紀載不惟
可見其採取實錄之跡而各朝實錄之書法亦并可概見焉

辭史書法迴護處

梁太祖紀朱瑄朱瑾救汴後帝

卽朱溫

以其有力於己厚禮而歸

之瑄瑾以帝軍士勇悍懸金帛誘之軍士利其貲赴之者眾帝

乃移檄讓之瑾等來使不遜乃命朱珍侵曹伐濮 案通鑑攷

異及五代史補朱溫常患兵力不足敬翔說令麾下士詐爲叛
逃卽奏於唐帝并告四鄰以追叛爲名可以拓地廣眾溫大喜
從之是充鄆本無誘兵之事特溫託詞以爲兵端也而辭史云
云是真謂瑄瑾以誘兵啟釁矣歐史則直書宣歐史瑄瑾助汴
已破秦宗權東歸王朱溫時已封王移檄兗鄆誣其誘汴亡卒乃發兵
攻之

天祐元年七月帝發東都至河中八月壬寅昭宗遇弒於大內
遣制以輝王柎爲嗣十月帝至洛陽臨於梓宮祇見於嗣君

案李彥威

卽朱友恭

氏叔琮等傳溫旣遷唐昭宗於洛陰遣敬翔至

洛令彥威叔琮行弒以龍武兵夜入叩宮奏事夫人裴正一開
門問奏事何得以兵入牙官吏太殺之直趨椒蘭殿昭宗方醉

起走太持劍逐而弑之是昭宗之被弑實溫使彥威等行事也而辭史云溫在河中昭宗遇弑於大內一若昭宗之弑無與於溫者下又云溫至洛臨於梓宮祇見於嗣君一似能曲盡臣節者歐史則直書溫遣朱友恭氏叔琮蔣元暉等行弑昭宗崩

二年十一月天子

唐昭宣帝

命帝

即朱溫

爲相國總百揆以宣武等二

十一道爲魏國進封帝爲魏王兼備九錫之命帝讓相國魏王

九錫

案孔僉傳唐哀帝

即昭宣帝

封溫魏王備九錫拒不受蔣元

暉柳燦馳謂溫曰自古革易之際必先建國備九錫然後禪位

溫曰我不出九錫作天子可乎是溫急於篡國非讓殊禮也而

辭史云云則似溫真能辭讓矣歐史則云溫怒不受是歲唐

昭宣帝卜祀天於南郊溫怒以爲蔣元暉等欲延唐祚昭宣帝

懼遂改卜郊辭史不書 又是歲溫遣人告蔣元暉私侍何太后遂殺元暉弑太后辭史亦不書 昭宣帝禪位後梁封爲濟陰王開平二年正月弑之辭史亦不書 乾化二年溫爲其子

友珪所弑辭史亦不書但書友珪葬太祖於伊闕號宣陵

唐明宗紀帝奉莊宗命討趙在禮至鄴城夜有軍士張破敗等鼓噪逼營曰城中兵何罪直畏死耳今已與城中約欲主上帝河南令公帝河北帝力拒之亂兵益環甲露刃環帝左右安重誨霍彥威躡帝足請詭許之因爲亂兵擁入城夕乃得出帝欲歸藩上章圖再舉重誨等謂元行欽已棄甲而去行欽亦以兵攻鄴聞兵變別拔營去不知其所奏如何正當赴闕自陳以杜讒口帝從之至相州獲官馬二千匹元行欽已以蜚語入奏及至汴有姚彥溫來

投謂主上已惑行欽之言事勢已離不可再合帝曰卿自不忠
言何悖也莊宗尋爲郭從謙所弒帝急入洛時魏王繼岌征蜀
未還帝謂朱守殷曰公善巡撫以待魏王吾奉大行梓宮禮畢
卽歸藩矣而羣臣上箋勸進至再三請監國帝始從之據此則
明宗遇軍變後率兵向京師並無反心祇欲自訴迨莊宗被弒
猶欲俟其子繼岌至而奉之可謂純臣矣然攷當日情事有不
盡然者明宗性本淳實兵變之初固不肯因以爲利卽兵變後
欲歸藩待罪欲上章申理亦屬實情然是時惟有隻身歸朝庶
明心跡而明宗武夫豈能知此方外恍於元行欽之奏其反內
惑於石敬瑭安重誨等之勸其反勢當騎虎難下之時不得不
爲挺鹿走險之計則當其率兵而南固已變計決反非真欲面

訴於莊宗之前也天下豈有欲自訴不反而轉舉兵向闕者本紀所云赴闕自陳可不辨而知其飾說也且是時甫一舉足反形已露康義誠曰今從眾則有歸守節則將死明宗納其言義誠

傳非決計反則何以納其言也鄭琮在營中安重誨欲徵四方

兵琮歷數諸道屯兵之數附口傳檄相次而至琮傳王晏球率兵

戍瓦橋關明宗招之卽以兵來會晏球非決計反則何以徵諸

道兵也至相州卽掠官馬以益軍矣至河上則劫上供船絹帛

以犒軍矣旣先以三百騎付敬瑭使速入汴石晉傳又養子從珂

自橫水率兵與王建立倍道馳至由是軍聲大振廢帝傳其抗逆

之跡已不待言而本紀猶謂其入汴入洛猶懷退讓蓋當時實

錄例有隱諱修史者但照本抄錄不復改訂耳歐史則書軍變

後嗣源入於魏與在禮合以其兵南遣石敬瑭將三百騎爲先
鋒嗣源至鉅鹿掠馬三千以益軍是明著其反逆之跡可謂直
筆而其先本無欲反之意則於石晉紀及霍彥威傳內見之是
又不沒其初念以見其倉卒被逼不同於郭威之自澶州入也
漢隱帝紀帝密詔李洪義誅王殷又詔郭崇誅郭威王峻而洪
義不敢發反以詔示威威卽召王峻郭崇及諸將校至曰君等
當奉行詔書斷予首以報天子崇等曰此必李業等所誣構事
可陳論何須自棄於是爭勸威入朝乃率眾南行周太祖紀亦
云帝郭威途次又謂將校曰吾此來萬不得已然以臣拒君寧論
曲直汝等不如奉行前詔我以一死謝天子實無所恨是郭威
本志似尙能守臣節者 案魏仁浦傳郭威得洪義所示密詔

卽召仁浦於臥內仁浦教威倒用畱守印更爲詔書令威誅諸將校以激怒之將校皆憤然效用遂舉兵渡河是威方更詔書以欺眾詎肯以天子誅己之詔出示諸將使奉詔殺己乎本紀所云誣飾顯然歐史帝紀則直書郭威反

周太祖紀漢隱帝遣慕容彥超拒郭威於劉子坡王師敗威謂宋延渥曰爾國親可速往衛主上明日望見帝旗在高坡之上謂隱帝在其下卽免胄而前左右勸止之威曰吾君在此又何憂焉及至則隱帝已去矣 案劉子坡之戰隱帝親在陣中威果欲自訴何不於是時釋甲趨謁乃方遣何福進王彥超李筠等大合騎以乘之旣敗王師豈有明日又欲束身見主之理且明日清晨隱帝已爲郭允明所弑又安得有旌旗在高坡之上

其爲飾說亦不待辨也

隱帝旣崩郭威遣人迎湘陰公贊來卽位已而威至澶州兵變入京王峻聞贊已至宋州慮左右變生遣郭崇以七百騎往衛之案十國春秋崇至宋州贊召見於樓上判官董喬說贊曰崇瞻視舉措必有異謀不如殺之贊猶豫不決崇遂幽贊於外館是峻之遣崇本欲害贊於途也而本紀反云衛之尤屬矛盾歐史則直書王峻遣郭崇以七百騎逆贊於宋州殺之

薛史失檢處

唐莊宗之被弑也弟存霸自河中奔太原存渥亦自洛與劉后奔太原薛史苻彥超傳謂存霸至太原與呂鄭二內官謀殺畱守張憲及其部將苻彥超彥超覺之部下大噪憲出奔軍士殺

存霸及呂鄭而張憲傳則謂存渥奔太原左右見其馬已斷飾
必戰敗而逃者因欲殺呂鄭繫存渥以觀變憲不可而彥超已
誅呂鄭軍士大亂是一事也彥超傳則以爲存霸憲傳則以爲
存渥殊屬兩岐案存渥出奔行至風谷爲部下所殺惟存霸翦
髮爲僧求彥超庇護而軍士殺之是與呂鄭同被殺者乃存霸
非存渥也歐史則憲彥超二傳皆書存霸又南唐劉仁瞻死守
壽州薛史則列在周書蓋以其有降表至周世宗加以官秩旣
沒又贈卹極隆故列之於周臣也然仁瞻固守無二志其子崇
諫勸之降卽斬以徇及病甚不知人事副使孫羽詐爲仁瞻書
以降且舁至周營世宗嘉其忠於所事加爵進官詔出而仁瞻
已卒是仁瞻實未嘗降也薛史周紀旣書劉仁瞻上表乞降令

其子崇讓請罪仁瞻傳亦云仁瞻病急翻然納款未又云先斬其子崇諫其後出降乃欲保其後嗣抑有由焉是真謂仁瞻之初抗節而終改節矣若非歐史辨明豈不受誣千載耶苻彥饒斬白奉進之兵奉進來責彥饒麾下兵噪而殺奉進已而軍將馬萬等作亂縛彥饒送京誣其通范延光謀反晉祖遂使人殺之於途薛史竟稱彥饒通延光反伏誅歐史則直書其事謂以反誅非其罪也可見薛史全據各朝實錄而不復參攷事之真僞此歐史之所以作也

薛史亦有直筆

薛史雖多迴護處然是非亦有不廢公道者列傳諸臣多與居正同仕前朝否則其子孫亦有與居正同官於宋者趙延壽子

廷贊仕宋爲廬延等州節度使而延壽傳不諱其背晉附遼求爲遼太子之事崔協子頌仕宋爲諫議大夫而協傳直書任圜譏其沒字碑符存審子彥卿仕宋封魏王而存審傳不諱其少時犯罪將就戮以善歌得妓者救免之事王繼宏子永昌仕宋爲內諸司使而繼宏傳載其曾爲高唐英將唐英待之甚厚後竟殺唐英自爲畱後曰吾儕小人若不因利乘便何以得志尹暉子勳仕宋爲防禦使而暉傳不諱其反戈推戴唐廢帝之事傳贊并謂因倒戈而杖鉞豈義士之所爲趙在禮孫廷勳仕宋歷岳蜀二州刺史而在禮傳載其在宋州貪暴及移鎮民相賀曰拔去眼中釘矣在禮聞之怒又乞畱宋一年每戶徵錢一千號拔釘錢後契丹入汴索在禮貨財在禮不勝憤以衣帶就馬